

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Aningaasaqarnermut ataatsimiititaliap maajimi 2012-mi aningaasaqarnermut nalunaarusiaa.**

**Imm. 03 2012-imiit 2013-imut suliffissaaleqisut pillugit iliuusissat pilersaarut.**

**Imm. 04 Sisimiuni Ilaqutariinnermut Immikkoortortamut 2012-imut missingersuutaani nuutsinissamik qinnuteqaat.**

**Imm. 05 Maniitsumi Timersortarfiup qinnuteqaataa.**

**Imm. 06 Maniitsumi meeqqeriviliassamut immikkut aningaasaliissuteqarnissaq.**

**Suliassat nalinginnaasut**

**Imm. 07 Sisimiut Umiarsualiviata allilernerani inuiaqatigiit aningaasaqarnerisigut misissuineq.**

**Imm. 08 Kommunimi pilersaarummut tapiliussassaq nr. 41 pillugu nalunaarusiaq.**

**Imm. 09 Kommunimi pilersaarummut tapiliussassaq nr. 46 inaarutaasumik akuersissutigineqarnissaa.**

**Sulisogarnermut tunngasut**

**Imm. 10 Atorfeqartitanut tunngasutigut paasissutissiineq, juunip 1-ani 2012-imeersoq.**

**Malinnaatitat**

**Imm. 11 NIIP - nunap immikkoortuisa ineriartortinnissaannut periusissanut atatillugu 2012-imi pilersaarutit.**

**Imm. 12 Ulliap innaallagissallu akiisa qaffannerat.**

**Imm. 13 2012-imi kommunit aningaasaqarnerat pillugu nassuiaat pillugu tusarniaaneq.**

**Imm. 14 Tamalaat.**



Ataatsimiinneq videokonferenci atorlugu ingerlanneqarpoq aallartillunilu nal. 8:30

*Peqataasut:*

***Atassut***

Godmand Rasmussen, Sisimiut

***Inuit Ataqaatiguit***

Katrine Larsen Lennert, Sisimiut

***Siumut***

Hermann Berthelsen, Sisimiut

Karl Lyberth, Maniitsoq

*Nalunaaruteqarlutik peqataannngitsut:*

Søren Alaufesen (S)

*Nalunaaruteqaratik peqataannngitsut*

## **Imm. 01 Oqaluuserisassat akuersissutigineri**

**Aalajangiineq**

Tamalaani:

Godmand Rasmussen, 1) Oqaluuserisassat nassiunneqartarnerinut malittarisassat. 2) ACR-imut tunngatillugu apeqquteqaat.

Karl Lyberth, 1) Maniitsumi børnehjemmip matunera sulisussaarunneq peqqutigalugu. 2) Kilisaatini usingiaanermi sulisussaaruttarneq.

Oqaluuserisassat akuersissutigineqarput.

**Aningaasaqarnermut ataatsimiititaliap juunip 7-ani 2012-imi ileqquusumik ataatsimiinnerata  
05/2012-ip imaqarniliornera**

**Imm. 02 Aningaasaqarnermut ataatsimiititaliap maajimi 2012-mi aningaasaqarnermut nalunaarusiaa**

Journalnr. 06.00

Pissutsit atuuttut

Atuisimaneq/iserititat 41,7 procentimiittussaapput, ukiup ingerlanerani atsikkutigiikkaamik atuisoqarsimagaluarpat.

**Allaffissornermut tunngasut**

Konto	Kontop taaguutaa	(1.000 kr)	(1.000 kr)	(1.000 kr)	(1.000 kr)	(1.000 kr)	i %
10	QINIKKANUT ANINGAASARTUUTIT	7.313	0	7.313	2.983.750	4.329	40,8%
11	KOMMUNIP INGERLATSINERA	69.900	0	69.900	28.045.744	41.854	40,1%
12	KANTIINAMIK INGERLATSINEQ	486	0	486	489.328	-3	100,7%
13	Qarasaasiat - IT	7.489	0	7.489	4.439.636	3.049	59,3%
18	AKIMOORTUMIK SULIAT	7.240	0	7.240	4.323.918	2.916	59,7%
<b>Katillugit</b>		<b>92.428</b>	<b>0</b>	<b>92.428</b>	<b>40.282.376</b>	<b>52.145</b>	<b>43,6%</b>

Allaffissornermut tunngasutigut aningaasaliissutinit katillugit 92,4 mio. koruuniusunit, katillugit 40,3 mio. koruuninik atuisoqarsimavoq. Procentinngorlugu 43,6 procentiullutik.

Konto 12-imi kantinamik ingerlatsinermi atuivallaartoqarpoq, tamanna ilaatigut Sisimiuni A/S INI-p akileeqaataassutissani aatsaat ukiup ingerlanerani kingusinersukkut akilertarnerinik, ilaatigullu pilersaarutaasutuut kantinat sulii suliariumannittussarsiuunneqannginnerinik patsiseqarpoq.

Inissiaatileqatigiiffiup ingerlatseqatigiinnermut isumaqatigiissutini 2011-mi decembarip naaneraniit atorunnaarsippaa, kisianni tamatuma kingorna kantinamik atuiinnarallarnissamik kissaateqarluni, massakkuugallartumut.

Konto 13-imi IT-mi atuivallaartoqarpoq, 347-nut atuisunut atortuutunik pisisimaneq pingaarnertut patsisaavoq, ilaatigut Windowa-7-imik aammalu "Office 2010"-mut atuisinnaanermut akuersissutit. Konto 18-imi akimoortumik suliatigut atuiunerup taama annertutigineranut ilaatigut patsisaavoq, kommuni sillimmassiinnikkut ukiumoortumik akiligassaminik nassinneqarsimanera kiisalu A/S INI-p akiligassaa ilanngullugu akilerneqareermata.

**Inuutissarsiutit kommunip peqataaffii**

Inuutissarsiutit kommunip peqataaffii	Missi	Tapiiss	Miss.	Atuineq	Sinneri	Atuineq
Konto Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
37 Inuutissarsiutit kommunip peqataaffii	3.902	0	3.902	1.641.687	2.260	42,1%
<b>Katillugit</b>	<b>3.902</b>	<b>0</b>	<b>3.902</b>	<b>1.641.687</b>	<b>2.260</b>	<b>42,1%</b>

Inuutissarsiutinut kommunip peqataaffiini aningaasaliissutinit 3,9 mio. koruuniniit 42,1 procentinik atuisoqarsimavoq.



**Aningaasaqarnermut ataatsimiititaliap juunip 7-ani 2012-imi ileqquusumik ataatsimiinnerata  
05/2012-ip imaqarniliornera**

### Akileraarutit akilerneqarneri tapiissutillu

Akileraarutit, tapiissutit nalimmassaarutillu Konto	Kontop taaguutaa	Miss. (1.000 kr)	Tapiiss. (1.000 kr)	Akuers. (1.000 kr)	Atuineq	Sinneri (1.000 kr)	Atuineq i %
80	Inuit isertitamikkut akileraarutaat	-290.674	0	-290.674	-96.217.972	-194.456	33,1%
81	Selskabit akileraarutaat	-4.000	0	-4.000	-263.576	-3.736	6,6%
83	Tapiissutit nalinginnaasut nalimmassaarutillu	-284.520	0	-284.520	-123.720.832	-160.799	43,5%
<b>Katillugit</b>		<b>-579.194</b>	<b>0</b>	<b>-579.194</b>	<b>-220.202.380</b>	<b>-358.992</b>	<b>38,0%</b>

Qeqqata Kommuniata akileraarutit, tapiissutit nalimmassaarutillu 220,2 mio. koruuninik isertitaqarfigivai, ataatsimut katillugit 579,2 mio. koruuninik aningaasaliissuteqarfiusuniit. Procentinngorlugu 38,0 procentiullutik. Isertitat naatsorsuutigisat naapertorlugit ingerlapput.

Selskabet akileraarutaat ukiumut ataasiarlugit akilerneqartarput – nalinginnaasumik ukiup qaangiunnerani januaarimi. 2008-mi isertitaqarfiusumi selskabet akilerartarnerinut ilanngussaqaq selskabimut ataatsimut aaqqiissutaavoq.

### Allatigut isertitat nalikillisaanerillu

Konto	Kontop taaguutaa	(1.000 kr)	(1.000 kr)	(1.000 kr)	(1.000 kr)	i %	
85	Erniat, aningaas. erniaat ajunaar. Iluanaarutillu	-12.976	0	-12.976	-3.859.797	-9.116	29,7%
86	Allatigut isertitat	-4.600	0	-4.600	-3.891.235	-709	84,6%
88	Nalikillisaanerit	1.100	0	1.100	1.464	1.099	0,1%
<b>Katillugit</b>		<b>-16.476</b>	<b>0</b>	<b>-16.476</b>	<b>-7.749.568</b>	<b>-8.726</b>	<b>47,0%</b>

Qeqqata Kommunia erniatigut, aningaasaliissutit erniaasigut, illuutininik tunisinertigut sanaartorfigisaaertigut nalikillisaaneritigullumi katillugit 7,7 mio. koruuninik isertitaqarpoq, ataatsimut katillugit 16,5 mio. koruuniusunik aningaasaliissuteqarfiusuniit. Taamaalluni atuisimaneq 47,0 procentiulluni.

### Ukiup naanerani aningaasaatissatut naatsorsuutigisat

**2012-p aallartinnerani aningaasaati 72.147.994**

2011-mut missingersuutitigut ingerlat: -2.704.000

Killiffimmi nikeraatit -14.873.000

Immikkut aningaasaliissutit -55.094.000

**Karsimiittuutit ataatsimut katillugit -72.671.000**

**2012-p naanerani aningaasaatit -523.006**

Ukiup naaneranut pigisat nalillit/aningaasaatit 72,1 mio. koruuniniit -0,5 mio. koruuninut appariar-nissaat naatsorsuutigineqarpoq. Taama naatsorsuutigisaqarneq tulliuttunit tunngaveqarluni 2012-p aallartinnerani aningaasaatit, 2012-p naaneranut missingersuutiniit aningaasaatissatut naatsorsuutit, killiffimilu nikeraatit (20-20-60 aqutigalugu illuliorniarnermi attartortitat), taamatullu massakkumut immikkut aningaasaliissutit killiffiat.

Sanaartugassatigut aningaasaliissutinik atunngitsuukkanik 2011-mut naatsorsuutit naammassinerisigut nuutsinissaq, 2012-p naaneranut aningaasaatissatut naatsorsuinermit ilanngunneqarput.



Kommunit naatsorsuusiortarnerat il.il. pillugu pillugit Namminersorlutik Oqartussat nalunaarutaat nr. 13, 26.07.2010-meersumi 5 procentmik uninngasuuteqarnissamik piumasaqaat 2012-imi apriliip aallaqqaataaniit atorunnaarsinneqarpoq. Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersumi § 3, imm. 4-mi aalajangersarneqarpoq, Kommunit sukkulluunniit aningaasanik tigorianaateqassapput ingerlaavartumik pisussaaffiit akilerneqartarnissaannut naammattumik. Missingersuutit aalajangersarnerini ukiumut aggersumut ukiumut missingersuusiorfiusumi aningaasat tigorianaat pillugit kommunalbestyrelsi sukumiinerusumik aalajangersaassasoq.

### **Akiitsut**

Qeqqata Kommunianut akiitsorineqartut 1.6.2012 katillugit 58,7 mio. koruuniupput.

### **Innersuussut**

Aningaasaqarnermut ataatsimiititaliamut innersuussutigineqassaaq,

Aningaasaqarnermut nalunaarusiaq akuersissutigineqassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussat**

1. Qeqqata Kommuniani ataatsimiititaliat susassaqrifiini oqimaaqatigiissitsineq.
2. 01.06.2012-imiit akiitsut allattorsimaffiat



**Imm. 03 2012-imiit 2013-imut suliffissaaleqisut pillugit iliuusissat pilersaarut**

*Journalnr. 67.01*

Tunuliaqutaq

Namminersorlutik Oqartussat apriliip 1-ni 2012-imi mail-ikkut aperipput, kommuni kommunimi suliffissaaleqineq anigorniarlugu immikkut iliuuseqarnissamut 1,5-iniit 2 milioni koruuninik aningaasaliissuteqarusussinnaanersoq.

Suliffissaaleqinerup immikkut iliuuseqarfiginissaani Namminersorlutik Oqartussat iliuuseriniarpaat:

- Suliffissaaleqisunik pikkorissaasarnert aaqqinnissaat. (Tassa pineqartuni 1-mi suliffeqarfinnik attaveqarnerup pingaartinneratigut).
- Piareersarfik suliffittut piareersarfigalugu. (Siusinnerusukkut ukioq ataaseq aggustimiit juunip 12-anut 2013-mi ingerlanneratigut).
- Qarasaasiaq, oqaatsit kiisalu suliamut tunngasutigut pikkorissarnert. Sanaartornerup iluani pilersaarutini soorlu umiarsualiviup allilernissaani, takornariaqarnikkut il.il.
- Sanaartornermut tunngasutigut pikkorissaanert. Sanaartornerup iluani pilersaarutini soorlu umiarsualiviup allilernissaani, takornariaqarnikkut il.il.
- Piginnaangorsaarnert pitsanngorsaaffiginissaat, pingaarnertut sullissisunik pikkorissarnert/ilinniartitaanert aqputigalugit.

Ataatsimut iliuuseqarnissaq: 6,16 mio. koruunit, suliffissaaleqisunut 307-nut.

Iliuuseqarnissami tunngaviumik piunasaqaatissanut siunnersuut naapertorlugu imaappoq, iliuusissat suliffissaaleqisunut piffissami sivisunerusumi ingerlanneqassasut, ajornanngippat ukioq ataaseq marluk, pingaartumillu inuusunnerusut 29-t inorlugit ukiullit, nunaqarfinnilu innuttaasut suliffissaaleqisut pingaarnertullugit.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersup § 44, imm. 2: Kommunalbestyrelsillu aammattaaq aningaasaqarnermut ataatsimiititaliaq pisinnaatissinnaavaa ingerlatsinermi aningaasartuutissanik missingersuutiniittunik nikisiterisinnaanermut kiisalu sanaartugassanut aningaasaliissutinik sanaartugassanut allanut nuussisinnaanermik.

Pissutsit atuuttut

Qullersaqarfiup Namminersorlutik Oqartussanut nalunaarutigivaa, kommunip missingersuutimi iluini 1,5-iniit 2 milioni koruunit nassaariniassallugit akuersaarutigivaa, tassa suliffissaaleqisut eqqarsaatigalugit immikkut iliuuseqarniarnermi tapiissutissamisut.

Tamatuma malitsigisaanik Namminersorlutik Oqartussat maajip naanerani 2012-imiit 2013-mut suliffissaaleqisunut pilersaaruteqarnermi isumaqatigiissutissatut siunnersuut nassiuppaat. Siunnersuut ilanngussatut ilanngunneqarpoq, qallunaatuinnaavorli.



Aningaasaliissutaaniarput:

I 2012:	6,16 mio. kr, taakkuninnga 1-2 mio. koruunit nammineq aningaasaliissutitut
I 2013:	7,42 mio. kr., taakkuninnga ___mio. koruunit nammineq aningaasaliissutitut.

(AI2013-imut akuersissutaassappata aatsaat)

2012-imi 1,5-iniit 2 millionit koruuninik tulliuuttunik sammisaqartitsinissamut nassaarsinnaanissaq anguniagaavoq:

### **1. Suliffissaaleqisut sanaartornikkut atorpeqarsinnaalernissaat anguniarlugu iliuseqarnisami.**

Anguniakkat:

2012-imi suliffissanik pilersitsinnaanissaq:	inunnut 42-nut
2012-imi immikkut aningaasaliissuteqarnissaq:	Soqanngilaq. PKU atorlugu ingerlassaaq.

### **2. CSR-relaterede iliussissat**

2012-imi immikkut aningaasaliissuteqarnissaq:	Soqanngilaq.
2013-mi immikkut aningaasaliissuteqarnissaq:	Soqanngilaq.

### **Sumiiffimmi iliussissat - Maniitsoq nunaqarfinilu**

#### **3. Suliffissaaleqisunik pikkorissaasarnerit aaqinnissaat,**

anguniakkat:

2012-imi sunniutissatut naliliussat:	peqataasussat 20-t
2012-imi immikkut aningaasaliissutissat:	0,2 mio. kr. (allanik isumagisassat)
2013-mi sunniutissatut naliliussat:	peqataasussat 20-t
2013-mi immikkut aningaasaliissutissat:	0,2 mio. kr. (allanik isumagisassat)

#### **4. Piareersarfik inuusuttunut suliffittut piareersarfigalugu.**

Anguniakkat:

2012-imi sunniutissatut naliliussat:	peqataasussat 25-t
2012-imi immikkut aningaasaliissutissat:	1,63 mio. kr.
2013-mi sunniutissatut naliliussat:	peqataasussat 25-t
2013-mi immikkut aningaasaliissutissat:	2,26 mio. kr.

#### **5. Qarasaasiaq, oqaatsit kiisalu suliamut tunngasutigut pikkorissarnerit.**

Anguniakkat:

2012-imi sunniutissatut naliliussat:	peqataasussat 60-t
2012-imi immikkut aningaasaliissutissat:	0,5 mio. kr. (PKU-mi pikkorissarnerit)
2013-mi sunniutissatut naliliussat:	peqataasussat 60-t
2013-mi immikkut aningaasaliissutissat:	0,5 mio. kr. (PKU-mi pikkorissarnerit)

#### **6. Piginnaangorsaaneq.**

Anguniakkat:

2012-imi sunniutissatut naliliussat:	peqataasussat 25-t
2012-imi immikkut aningaasaliissutissat:	soqanngilaq
2013-mi sunniutissatut naliliussat:	peqataasussat 50-t
2013-mi immikkut aningaasaliissutissat:	soqanngilaq

**Sumiiffimmi iliuusissat - Sisimiut nunaqarfinnilu**

**7. Suliffissaaleqisunik pikkorissaasarnerit aqqinnissaat.**

Anguniakkat:

2012-imi sunniutissatut naliliussat: peqataasussat 20-t  
2012-imi immikkut aningaasaliissutissat: 0,2 mio. kr. (allanik isumagisassat)  
2013-mi sunniutissatut naliliussat: peqataasussat 20-t  
2013-mi immikkut aningaasaliissutissat: 0,2 mio. kr. (allanik isumagisassat)

**8. Piareersarfik inuusuttunut suliffittut piareersarfigalugu.**

Anguniakkat:

2012-imi sunniutissatut naliliussat: peqataasussat 25-t  
2012-imi immikkut aningaasaliissutissat: 1,63 mio. kr.  
2013-mi sunniutissatut naliliussat: peqataasussat 25-t  
2013-mi immikkut aningaasaliissutissat: 2,26 mio. kr.

**9. Qarasaasiaq, oqaatsit kiisalu suliamut tunngasutigut pikkorissarnerit.**

Anguniakkat:

2012-imi sunniutissatut naliliussat: peqataasussat 60-t  
2012-imi immikkut aningaasaliissutissat: 0,5 mio. kr. (PKU-mi pikkorissarnerit)  
2013-mi sunniutissatut naliliussat: peqataasussat 60-t  
2013-mi immikkut aningaasaliissutissat: 0,5 mio. kr. (PKU-mi pikkorissarnerit)

**10. Piginnaangorsaaneq.**

Anguniakkat:

2012-imi sunniutissatut naliliussat: peqataasussat 30-t  
2012-imi immikkut aningaasaliissutissat: soqanngilaq  
2013-mi sunniutissatut naliliussat: peqataasussat 60-t  
2013-mi immikkut aningaasaliissutissat: soqanngilaq

Qeqqata Kommuniani pingaartumillu Sisimiut illoqarfianni suliffissaaleqineq pingaartumik ukiuni kingullerni pingasuni annertuumik qaffakkiartorsimavoq. Qeqqata Kommuniani maj-imi 2012-imi suliffissaaleqisutut nalunaarsukkat katillugit 531-upput sulisinnaasunit 6.845-suniit, tassalu 7,76 procentiullutik. Suliffissaleqisut nalunaarsuiffiat eqitsit ilanngussaq 2-tut ilanngunneqarpoq.

Aningaasaqarnikkut allaffissornikkullu kingunerisinnaasai

Allaffeqarfik ataatsimiippoq, tamatumanilu kontot assigiinngitsut qimerloorlugit, aningaasat suminngaaniit tiguneqarsinnaanersut akuniarlugu.

Sisimiuni Piareersarfiit tulliuttuniit aningaasat tiguneqarsinnaasutut siunnersuutigivaat:

34-00-41 Ammerineq / Sarfannguit	kr. 100.000
34-00-51 ammerineq / Itilleq	kr. 59.000
35-05-10 Nikerartumik suliffik/Sisimiut	kr. 100.000
35-04-10 Ilinniaqqinneq / Sisimiut	kr. 100.000
38-02-10 Suliffissaqartitsiniarneq / Sis.	kr. 641.000

**kr.1.000.000**





**Aningaasaqarnermut ataatsimiititaliap juunip 7-ani 2012-imi ileqquusumik ataatsimiinnerata  
05/2012-ip imaqarniliornera**

Maniitsumi Piareersarfiit tulliuttuniit aningaasat tiguneqarsinnaasutut siunnersuutigivaat:

34-40-20-01-11 Sulilersitsiniaaneq	kr. 150.000,00	
35-04-20-35-01 Niuernermik ilinniaqq.	kr. 26.000,00	
35-04-20-35-03 Saviminiler. Ilinn.	kr. 25.000,00	-
35-05-20-35-00 Akissarsianut tapiissutit.	kr. 55.000,00	-
38-02-60-30-12 Suliff. ikiuutit/Kangaa.	kr. 50.000,00	-
38-02-70-30-12 Suliff. ikiuutit/Napasq	kr. 10.000,00	-
38-02-80-30-12 Suliff. ikiuutit /Atamm.	kr. 50.000,00	-
38-02-20-30-12 Suliff. ikiuutit/Man.	kr. 200.000,00	kr
	<b><u>Kr. 566.000,00</u></b>	<b>kr.</b>

Konto 3-p iluani suliffissaaleqisunit iliuuseqarnissamut katillugit 1.566.0000 koruunit nassaarineqarsinnaasimapput.

#### Qullersaqarfiup oqaaseqaataa

Immikkut oqaaseqaatitassaqaanngilaq.

#### Allaffeqarfiup naliliinera

Ukiuni kingullerni pingasuni suliffissaaleqineq qaffakkiartuinnarsimammat, suliffissaaleqinerup akiorniarnissaata sammineqarnissaa qanorlu iliuuseqarfiginissaa pisariaqarpoq. Taamaattumik allaffeqarfiup innersuussutigissavaa, kommunip Namminersorlutik Oqartussat peqatigalugit suliffissaaleqisut immikkut iliuuseqarfiginiassagaat.

Suliffissaaleqinermut konto 3-kkut aningaasaliissuteqarmat, taava inuiaqatigiinni inuit aningaasaliiffissatut taakku pineqaramik taakku iluanniipput. Taamaattumik allaffeqarfik naliliivoq, aningaasartuutissat konto 3-miit tiguneqarsinnaasut, taamaalilluni kommunip tapiissutissaanut immikkut aningaasaliissuteqartariaarullugu.

Allaffeqarfiup isumaqatigiilluni innersuussutigissavaa, Sisimiuni Piareersarfik suliffissaqartitsiniarfillu Maniitsumi Piareersarfik tapertaralugu pilersaarummik aqutsisuussasut.

Tamatuma saniatigut allaffeqarfik isumaqarpoq, 2013-imut aningaasaliissutissat missingersuusiornissami nassaarineqartariaqartut.

#### **Innersuussut**

Allaffeqarfiup aningaasaqarnermut ataatsimiititaliamut akuereqqullugu innersuussutigissavaa:

- 2012-imiit 2013-imut iliuuseqarnissamik pilersaarutissatut siunnersuut.
- 2013-imut aningaasaliissutissat missingersuusiornissami nassaarineqassasut.
- 2012-imut aningaasaliissutissat 1.566.000 koruuniusut Piareersarfiit innersuussutaat naapertorlugu inissinneqassasut, tak. aningaasaqarnikkut kingunerisinnaasai.

#### **Aalajangiineq**

Tunnngaviusumik suliniut isumaqatigineqarpoq. Suliarli uterfigineqaqqissaaq ataatsimiititaliamit suliarineqareerpat.

#### **Ilanngussat**

3. 2012-imiit 2013-imut iliuusissatut pilersaarutitut isumaqatigiissut.
4. Qeqqata Kommuniani suliffissaaleqisut nalunaarsorneqarnerat.



**Imm. 04 Sisimiuni Ilaqutariinnermut Immikkoortortamut 2012-imut missingersuutaani nuutsinissamik qinnuteqaat**

*Journalnr. 06.02.04*

Tunuliaqutaq

Sisimiuni meeqqanut inuusuttunullu ornittagassamik pilersitsinissamut NanuBørn-ip neqeroorutaanik akuersaarnissamik Ilaqutariinnermut ataatsimiititaliap 2012-imi marsip 14-iani aalajangiinneranut atatillugu missingersuutitigut nuutsinissamik qinnuteqaat matumuuna ingerlateqqinneqarpoq.

2012-imi marsip 14-iani ataatsimiinnermi aalajangerneqartut, NanuBørn-imut kontomik nutaamik pilersitsinissamut suliaq tunggassuteqarpoq. Missingersuutitigut nuutsisoqartussaammat, kontomik nutaamik pilersitsineq aningaasartuutaassanngilaq.

Maleruagassatigut tunggavissat

Kommunalbestyrelsi aningaasaliisussaataaasoq Qeqqata Kommuniani karseqarnermut naatsorsuuserinermullu malittarisassani immikkoortoq 3-mi 2.3-mi aallassimavoq.

Pissutsit atuuttut

Nutaatut suliniutinut missingersuusiortoqarnikuunngimmat, konto 41-mi missingersuutitigut nuutsisoqartariaqarpoq.

Sisimiuni Ilaqutariinnermut Immikkoortortap kontoqarfiani 41-mi missingersuutitigut nuutsinissaq

Konto	Taaguutaa	Aningaasaliisutit	Naatsorsuutigisamik atuineq	Aningaasaliisutissatut pisariaqartinneqartut
4102101603	Atisat /angerlar. ikiortit paaqq.	515.000	387.500	<b>-127.500</b>
4102301603	Meeqqanik isumaginninnermi aningaasartuutit allat	82.000	32.000	<b>-50.000</b>
4108152501	Ineqarnermut akiliut (Nanubørn)	0	127.000	<b>+127.500</b>
4108152003	Atortussat/pequtit	0	50.000	<b>+50.000</b>
	<b>Pisariaqartitat katillugit</b>			<b>0</b>

Aningaasaqarnikkut allaffissornikkullu kingunerisinnaasai

Aningaasartuutaanngitsumik missingersuutitigut nuutsinissaq pineqarmat kinguneqaatissaqanngilaq.

Allaffeqarfiup naliliinera

2012-imi nutaatut ingerlanneqartussamut missingersuutit naleqqussarumallugit, missingersuutitigut nuutsinissamik qinnutigineqartut pinngitsoorneqarsinnaanngillat.

Allaffeqarfiup innersuussutaa

Ilaqutariinnermut Immikkoortortap Ilaqutariinnermut ataatsimiititaliamut innersuussutigaa, siunner-sutigineqartut missingersuutitigut nuutsinissaq akuersissutigineqassasoq.



Ilaqutariinnermut ataatsimiititaliami suliap sularinera

Ilaqutariinnermut ataatsimiititaliap maajip 23-ani 2012-imi ataatsimiinnermini suliaq sularivaa. Innersuussut akuerineqarpoq, suliaq Aningaasaqarnermut Ataatsimiititaliamut akuerisassatut innersuunneqassaaq.

**Innersuussut**

Aningaasaqarnermut ataatsimiititaliamut innersuussutigineqarpoq, eqitsimmi allaqqasutut missingersuutitigut nuutsinissanut qinnuteqaatit akuersissutigineqassasut.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq



## **Imm. 05 Maniitsumi Timersortarfiup qinnuteqaataa**

*Journalnr. 63.02*

### Tunuliaqutaq

Maniitsumi timersortarfiup aningaasatigut ajornartoornini pissutigalugu saaffiginnippoq.

### Maleruagassatigut tunngavissat

Qeqqata Kommuniani karseqarnermut maleruagassat.

### Pissutsit atuuttut

Maniitsumi timersortarfiup aningaasatigut ajornartorsiuteqarnera ukiuni kingullerni malunnarsiar-torpoq, aasakkullu isertitaqanngittarneq ukioq manna malunnarnerusumik sunniutilerpoq, taamaat-tumillu ulluinnarni ingerlatsinermut kiisalu akiligassaqaqarfinnut atugassanik Grønlandsbankimut 600.000,- kronenik atorniarniarpoq, Timersortarfiullu siulersuisuisa piumasaraat Qeqqata Kommu-nia qularnaveeqqusiissasoq.

Sisimiuni timersortarfiup Qeqqata Kommuniatalu isumaqatigiissutaata assinganik ingerlasoqaler-nissaa piumasarineqarpoq, tassalu ukiup aallaqqaataaniit naaneranut atuinissamik akissaanillu isumaqatigiissuteqarneq, akiliutissallu qaammatinut aqqaneq-marlunnut agguarlugit qaammatit tamaasa assigimmik akiliuteqartarneq, tamannalumi periarfissaavoq, ukiulli qiteqqunnerani taamaaliornissaq orniginanngilaq, ukiup aallartinneraniit naaneranut isumaqatigiissusiornissaq tulluarnerusarmat.

Maniitsumi qaammatit tamaasa atuisimaneq apeqqutaatillugu akiligassamik nassitsisoqartarpoq, siumoortumik akiliisoqartarluni, pisariaqaraangalli qaammat kingulleq iluarsisuteqarfigineqartar-luni. Aasaanerani qaammatit pingasut atuiffiunngimmata akiligassamik nassitsisoqassanani.

Timersortarfiup isertitakinnerulernikuunera annertunerusumik pissuteqarpoq meeqqat atuarfianni atuartut malunnaatilimmik ikilisimanerata malitsigisaanik timersortarfimmik atuinerup aamma annikillisimanagera. Aasamullu atualeqqinnissamut timersortarfimmi tiimit atuarfimiit atugassat suli ikileriaqqinnissaat ilimagisariaqarpoq, tamanna uggornaraluarpoq allatulli ajornarpoq.

Taamaattumik Maniitsup timersortarfiata isertitassaagaluartut annaasatut taallugit kingumoortumik tunniunneqarnissaanik piumasaqaataa tunngavissarsiuminaappoq.

Ukioq atuarfiusumi 2010/2011 sapaatit akunneranut 26 tiimit atorneqartarsimapput.

Ukioq atuarfiusumi 2011/2012 sapaatit akunneranut 16.5 tiimit atorneqartarsimallutik.

Tiiminik atuinikillineq aningaasanngorlugu ukiumut 253.270,- kr. missaani naleqarpoq.

### Aningaasaqarnikkut allaffissornikkullu kingunerisinnaasai

Qeqqata Kommunia qularnaveeqqusiippat isumaqarpoq Timersortarfiup Bankimut atukkat utertis-sinnaajunnaarpagit Qeqqata Kommunianut akiligassanngortinneqassasut.

Sisimiuni timersortarfiup Qeqqata Kommuniatalu isumaqatigiissutaata assinganik Maniitsumi sanasoqassappat soorunami Kommune akiliinerulernaviannngilaq ukiumullu atugassat qaammatinut 12-inut agguataaginnarneqartussaallutik.



Atuarfiup tiiminik atuinikinnerulerneratigut Timersortarfiup aningaasanut annaasaanut Atuarfik Kilaaseeraq taarsiissuteqarnissamut immiini akissaqanngilaq. Aamma taamatut tiiminik annikinnerusumik atuisalernermit taarsiissuteqartoqarsinnaaneranut isumaqatigiissuteqarnikuunngilaq.

#### Qullersaqarfiup oqaaseqaatai

Immikkut oqaaseqaateqanngilaq

#### Allaffeqarfiup naliliinera

Uggornarpoq suliffeqarfiup imminut pigisup siulersuisoqartullu innuttaasuniillu annertuumik atugaasup, pinngitsoorneqarsinnaanngitsutullu isigisaasup taamak kingusitsigisumik qanoq iliuseqalenera.

Timersortarfiup ukiuni tullerni tiimimut akigititamigut qaffaasinnaanerata sillimaffiginissaa pisariaqarpassippoq, takuneqarsinnaavormi ingerlatsinermut aningaasatigut angummassinnaanngitsut, minnerunngitsumillu annikitsunik annertuunillu iluarsagassaqartut.

Saaffiginissummut tunngasut paasisutissat Qeqqata Kommuniata pisariaqartitai amigaataapput, tassaasut:

Bankimiit uppersarsarneqarnera peqatigiiffiup/suliffeqarfiup imminut pigisup ilumut pisariaqartikkaa aningaasanik atornissaq, aammalu qanoq amerlatigisunik atorsinnaanersoq.

Taakkulu pissarsiarinissaat sivisusinnaammat, innersuussutigissavarput Borgmesteri pisinnaatinneqassasoq paasisutissat takkuppata allaffeqarfik peqatigalugu misissussagai aalajangiiffigalugulu.

#### **Innersuussut**

Allaffeqarfimmit innersuussutigineqassaaq aningaaserivimmit uppersarsaatit tiguneqarsimalerpata borgmesteri pisinnaatinneqassasoq suliaq inaarutaasumik suliarissagaa.

#### **Aalajangiineq**

Karl Lyberth suliamut attuumassuteqarami peqataanngilaq.

Taasinermi innersuussutigineqartoq akuersissutigineqarpoq.

2-it akuersisut (Hermann Berthelsen, Katrine Larsen Lennert)

1 taaseqataanngilaq (Godmand Rasmussen)

#### **Ilanngussat**

1. Timersortarfimmiit saaffiginissut.
2. Timersortarfiup siumoortumik ingerlatsinermut missingersuutai.
3. Iluarsagassat nalingisa allattorsimaffiat.



***Aningaasaqarnermut ataatsimiititaliap juunip 7-ani 2012-imi ileqquusumik ataatsimiinnerata  
05/2012-ip imaqarniliornera***

**Imm. 06 Maniitsumi meeqqeriviliassamut immikkut aningaasaliissuteqarnissaq**

*Journalnr. 17.05.02/daginstitution Maniitsoq*

Tunuliaqutaq

Qeqqata Kommunia 30.05.2011-mi Maniitsumi meeqqeriviliornissamik Permagreen-imik isumaqatigiissuteqarpoq. Pilersaarussiaq isumaqatigiissuteqarnikkut Kitaa Arkitektit suliarinikuuat, sanaartornerullu ilaani nakkutilliineq juulip 1-ani 2011-mi Masanti-kkunnik isumaqatigiissuteqarnikkut nakkutigineqarnikuulluni.

Maleruagassatigut tunngavissaq

Immikkut aningaasaliissutissat Kommunalbestyrelsimut akueritinneqartussaapput. Meeqqeriviliorneq sanaartornikkut 100 procentimik kommunip aningaasartuutigivaa.

Pissutsit atuuttut

Aningaasaliissutit aningaasartuutillu pingaarnersiukkat

Taaguutaa	Oqaaseqaat	Akia
<i>Kitaa – isumaqatigiissut</i>	<i>27.09.2010-mi isumaqatigiissutaavoq</i>	<i>1.215.000 kr.</i>
<i>Kitaa – akilerallakkat</i>	<i>Massakkumut akilerneqarput 76.744 kr.</i>	<i>90.000 kr.</i>
<i>Permagreen – isumaqatigiissut</i>	<i>01.06.2011-mi isumaqatigiissutaavoq</i>	<i>19.093.178 kr.</i>
	<b>Isumaqatigiissutikkut pisussaaffiit</b>	<b>20.398.178 kr.</b>
<i>Permagreen – immikkut tapiliussaq</i>	<i>Ukiuunerani iliuutsit 420.000 koruunit missaat - 2,1 % Betonggileeqqinnerneq sioqqeeqqinnerlu 300.000 koruunit missaat -1,5 %, Pilersaarusionerup allannguutai 160.000 koruunit missaat – 0,8 %. Takkuttut nutaat katillugit - 4,3 %</i>	<i>900.000 kr.</i>
<i>Masanti – nakkutilliineq</i>	<i>01.07.2011-mi isumaqatigiissutaapput 384.300 koruunit – tassalu 1,0 %</i>	<i>213.917 kr.</i>
<i>Aningaasartuutit</i>	<i>Sanaartornermi innaallagialaq imerlu il.il., Blower-door-test. Massakkumut ilisimaneqartut 39.493 koruunit, sinneri naliligaallutik. Aningaasartuutit – tassa 0,9%</i>	<i>180.000 kr.</i>
<i>Sanaartortitsisumiit pisiat</i>	<i>Massakkumut aningaasartuutit nalunngisat missiliuutillu 462.000 kr.</i>	<i>525.000 kr.</i>
<i>Katillugit – ilivitsunnorlugit</i>		<i>22.200.000 kr.</i>
<i>Akuersissutit</i>		<i>20.800.000 kr.</i>
<i>Suli akuersissutaanngitsut</i>		<i>1.400.000 kr.</i>

Isumaqatigiissutit pisussaaffiit saniatigut immikkut aningaasartuutit 8,8 procentiusutut siunnersortimit entreprenørímillu naliligaapput.



Missiliuutikkut A-kkut nalinginnaasumik 10 procentit sinnilaarlugit ikkunneqartarput – ilisimaneqanngitsunut 5 procentit sinnerilu sanaartortitsisup allanut aningaasartuutissaatut agguataarlugit. Suliami matumani taamaallaat 2 procentit aningaasartuutaasinnaasunut ilisimaneqanngitsunut ikkutaapput.

Teknikkimut immikkoortortami inuttassaaleqineq patsisaalluni, aallarnisarnermi Masanti-kkut nakkutilliisineqartariaqarsimapput. Isumaqatigiisummi pisussaaffinnut sanilliullugu 1,0 procenti. Massakkut ilisimaneqanngitsut 4,3 procentinut naliligaallutik, ukiuunerani iliuutsit betongileeqqinneq taamatullu sioqeeqqinneq annertunersaallutik.

Sanaartortitsisup nammineq ullumikkumut kiassarneq, innaallagissamik atuineq taamatullu allaffisornermut tunngasut aningaasartuutigisaraluarpai. Ukiullu kingulliup ingerlanerani aamma sanaartortitsisumut blower-door-test-it aningaasartuutissanngorsimallutik, taamaaliortoqassatillugu. Katillugit 0,9 procenti.

Sanaartortitsisumiit pisiat tassaallutik uffarfimmi atortussat, erruiffik maskiina, errorsivik, panersaassutit marluk, meeqqanut nangilersuiffiit, saagut pinnguartarfiullu ungalussai. Tamakku 2,6 procentinik naleqarlutik. Tamakku aningaasartuutit meeqqerivissinermi aningaasartuutitut akilerneqarsimasinnaagaluarput; taamaattorli sanaartortitsinikkut akilerneqarlutik.

Meeqqeriviniit aammalu pisinermi kontoniit, pinngussanik sikaavinnillu ilitivissanik pisisoqarnikuuvoq.

Piusumit Aja-miit atortussat pisattallu atornerqarsinnaasut tamarmik nuunneqassapput.

AJA-p nalilerpaa, 200.000 koruunit nassiunneri ilanngullugit misaannik nalilinnik pequtinik piseqqinnissaq pisariaqassasoq. Pequtissat taakku meeqqerivimmuut iluarnerusussatut naliligaallutik, ingerlatsinikkullu kontomiit akiligaallutik.

Silami pinnguartarfissap ikkusunnissaa kommunip silami sulisuinit isumagineqarsinnaasussatut nalilerneqarpoq.

Aqqusinissaata naammassinissaa asfalternissaalu ukiut ingerlanerini kommunip sulisuinit isumagineqassapput.

#### Aningaasaqarnikkut allaffissornikkullu kingunerisinnaasai

Sanaartornissamut missiliuutini Illorput-nik marlunnik Atammimmi taamatullu Kangaamiuni 2012-imi sanasoqartussaavoq, tassa Namminersorlutik Oqartussat illuliornissami atortussat tunniutissappatigit. Tamatumani akuersaarnermik massakkumut suli takkuttoqarnikuunngilaq. Namminersorlutik Oqartussat illuliornissami atortussat tunniutissanngikkaluarpatigit missingersuutitulluunniit sisiamanik ikinnerutissappatigit, tassanngaaniit meeqqeriviliornermut aningaasanik nuutsisoqarsinnaassaaq. Taamaangippat immikkut aningaasaliissuteqarnissaq pisariaqassalluni.

#### Qullersaqarfiup oqaaseqaataa

Immikkut oqaaseqaatitassaqaanngilaq.

#### Allaffeqarfiup naliliinera

Sanaartorneq matuma siuliini missiliuutinit akikinnerutillugu sananeqarsinnaanngilaq. Taamaalilluni immikkut aningaasaliissuteqarnissaq imaluunniit 1.400.000 koruuninik nuutsinissaq pisariaqarluni.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap juunip 12-ani 2012-imi ataatsimiinnermini suliaq suliarissavaa.

### **Innersuussut**

Teknikkimut Avatangiisinullu ataatsimiititaliamit akuerineqassappat, aningaasaqarnermut ataatsimiititaliamut kommunalbestyrelsimullu innersuusuteqartoqassaaq

1. Namminersorlutik Oqartussat Illorput-mut sisamanut atortussat tunniutissappatigit, taava meeqqueriviliornermut immikkut 1.400.000 koruuninik aningaasaliissuteqartoqassasoq.
2. Namminersorlutik Oqartussat illuliornissamut atortussat tunniutissanngippatigit, taava Illorput-liornissaraluamut aningaasaliissutiniit meeqqueriviliornermut 1.400.000 koruuninik nuutsisoqassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

Ilanngussaqanngilaq.





**Imm. 07    Sisimiut Umiarsualiviata allilernerani inuiaqatigiit aningaasaqarnerisigut misisuineq**

*Journalnr. 24.01*

Tunuliaqutaq

Ineqarnermut, Attaveqarnermut Angallanermullu Naalakkersuisoq Jens B. Frederiksen aamma Qeqqata Kommuniani borgmesteri Hermann Berthelsen maajimi 2011-mi Sisimiuni umiarsualiviup allilernissaata imminut akilersinaassusissaanik misissuisussanik suligasuartussamik suleqatigiissitaliorput.

Suleqatigiissitat Angallaneq pillugu Isumalioqatigiissitap siulittaasuanik Christen Sørensen siulittaasoqarlutik, aammalu Ineqarnermut Attaveqarnermut Angallanermullu Naalakkersuisoqarfimmiit, Royal Arctic Line-miit, Royal Greenland-imiit, Sisimiuni Sulisitsisut peqatigiiffianniit, Qeqqata Inuutissarsiornikkut Siunnersuisoqatigiiviniit kiisalu Qeqqata Kommunianiit inuttalersugaallutik.

Suleqatigiissitat 13-eriarlutik ataatsimeereerlutik ukiullu ataatsip missaani suliaqareerlutik suliarfik naammassivaat, taannalu nalunaarusiatut saqqumiullugu ilanngussartai ilanngullugit.

Maleruagassatigut tunngavissaq

Suleqatigiissitanut suliakkiussa.

Pissutsit atuuttut

Suleqatigiissitat suliassamittut suliakkiussa naapertorlugu umiarsualivimmik allileriniarnermi siunnersuutit aallaavigisimavaat, taakkulu Rambøll-ikkut “Sisimiut Umiarsualiviat – takorluukkat” pillugit nalunaarusiaanniipput, taannalu Rambøll-ikkut Qeqqata Kommunianut 2010-mi suliarisimavaat.

Nalunaarusiaq immikkoortunik pingasunik imaqarpoq:

1. Aalisakkeriviup talittarfianik allilerinissaq.
2. Aalisakkeriviup talittarfianiit umiarsualivimmut ikaartarfiliinissaq.
3. Umiarsualivimmik allilerinissaq.

Suleqatigiissitat misissoqqissaarlugulu naatsorsorsimavaat, immikkoortoq 1-p, tassalu aalisakkeriviup talittarfianik allilerinissaq inuiaqatigiit aningaasaqarnerannut iluaqutaasussaasoq. Tamatumani takornariaqarnikkut sunniutissartaasa iluaqutissartai qulakkerinnissutaasussaallutik. Peqatigitillugulu nalunaarusiap takussutissippaa, takornarissanik umiarsuit angallassisutit aamma Ilulissanik pitsaanerusumik atugassaqartitaagaluarpata, taava Sisimiuni aalisakkeriviup talittarfianik allilerineq suli inuiaqatigiit aningaasaqarisigut iluaqutaanerussagaluartoq.

Aningaasaqarnikkut allaffissornikkullu kingunerisinnaasai

Suleqatigiissitat nalunaarusiaat imminermi aningaasaqarnikkut allaffissornikkullu sunniutitassaqqanngilaq. Misissueqqissaarnerup inuiaqatigiit aningaasaqarnerisigut iluaqutissartaqarnera, massakumut Sisimiut Umiarsualiviannik allilerinermut ingerlanneqalereersumut atatillugu, Kalaallit Nunaanni ataatsimoortumik aaqqiissuteqarnissamik pisortaasunut eqqarsariartitsariaqaraluarpoq.



Taamaalilluni Namminersorlutik Oqartussat Kommunilu ataatsimoortumik aaqqiissuteqartariaqaraluarlutik, tassa Sisimiut Umiarsualiviat tamakkerlugu aalisakkeriviullu talittarfianik pisariaqartutigullu iluarsartuussinissami ingerlatsinikkullu piginneqatigiinnissamut atatillugu, nutaartassaatalu aalisakkeriviup talittarfianut tamakkiisumik ataatsimoortilernissaat eqqarsaatigalugit.

#### Allaffeqarfiup naliliinera

Allaffeqarfik naliliivoq, Qeqqata Kommunalbestyrelsiata pisariaqartutigut Sisimiut Umiarsualivianik allilerinissaq pillugu aalajangiinera inuiaqatigiit aningaasaqarnerannut iluaqutaasussaasoq nalunaarusiakktut ersarissisoq.

Allaffeqarfik naliliivoq, Sisimiut Umiarsualiviata allilernissaata takornariaqarnikkut imminullu akilersinnaassusiatigut pingaaruteqarnera, tassa Ilulissat Umiarsualiviani pingaartumillu Kangerlussuup Umiarsualiviani pissutsigut iluaqtissartaqarmat. Suleqatigiissitat suliaatigut ersarissilluarpoq, umiarsuarlutik takornariaqarnerup inuiaqatigiit aningaasaqarerisigut ilorraap tungaanut sunnuteqartussaana massakkumut nalilersuisarnertigut annikinaagaasarsimasoq. Taamaattumik takornrissanik angallassitut umiarsualivissiffigisartagaanni pingaarnerni atugassarititaasut pitsanngorsaaffigisariaqarput. Umiarsualiviit taliffiusinnaasut pitsaasut amerlippata, umiarsuit takornarissanik angallassitut amerlissapput, taamalu inuiaqatigiit isertitaqarnerulissallutik, umiarsuimmi Kalaallit Nunaanni angalaartillutik illoqarfippaaluit nunaqarfippaalullu taliffigisinnasarmatigut.

Peqatigitilluguli ajuusaarnarluni, Angallanneq pillugu Isumalioqatigiissitap aalisarnermut kiisalu uuliamik gassimik aatsitassanillu misissuinerit nalunaarusiaminni misissuiffigisimangimmatigut, pingaartumillu umiarsuarluni takornariaqarnerup kingunerisinnaasai itisilersimanagit. Qularutissaanngitsumik saqqummiussami inerniliinermi mittarfeqarfiinaanngitsut Nuummilu umiarsualivii-naanngitsoq pingaartinneqarsimagalurunik, pingaartinniakkat allaanerusimassagaluartut. Illuatungaatigulli pitsaasuvoq, angallanermut tunngasutigut pingaarutilinnik aalajangiisoqannginnerani tamanna saqqummat.

#### **Innersuussut**

Aatsitassanut Attaveqatigiinnermullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugit innersuussutigineqassapput,

inuiaqatigiit aningaasaqarnerat pillugu misissueqqissaarneq tusaatissatut tiguneqassasoq

kommunip sapinngisamik Angallanneq pillugu Isumalioqatigiissitap nalunaarusiaanik nassiussiffiusimasunut misissueqqissaarneq manna nassitutissagaa

Kalaallit Nunaanni Namminersorlutik Oqartussanik Sisimiut Umiarsualiviat ataatsimut isigalugu piginnittuunissaq ingerlatsinissarlu pillugit isumaqatigiinniarnissat aallartinneqassasut

#### **Aalajangiineq**

Innersuussutigineqartut akuersissutigineqarput.

#### **Ilanngussaq**

1. Sisimiut Umiarsualiviat – siunissami ineriartortitsinikkut periarfissatigut inuiaqatigiinni aningaasaqarnikkut misissueqqissaarneq



**Imm. 08 Kommunimi pilersaarummut tapiliussassaq nr. 41 pillugu nalunaarussiaq**

*Journalnr. 16.03*

Tunuliaqutaq

Sisimiut Kommuneani pilersaarummut tapiliussassatut 2011-mi tamanut tusarniutaanikumut kommunimi pilersaarummut nr. 41-mut tapiliussassaq. Tusarniaanerup nalaani Mittarfeqarfiit GLV-miit oqaaseqaat Qeqqata Kommuniata tiguaa, tamatumani sanaartugassat ilarpaaluisa aqquserngullu pingaarnerusussap mittarfiup isuanit 3,5 kilometerit atitussusilimmiit sanimut 55,5 meterip ilua sanaartorfiusussaannngitsusussaammat. Akerlilineq taanna Qeqqata Kommunianut isumaqarpoq, kommunimi pilersaarummut tapiliussassaq Mittarfeqarfinnit Trafikstyrelse-millu isumaqateqartoqartinnagu inaarutaasumik akuerineqarsinnaassanngitsoq, mittarfeqarfiit pillugit nalinginnaasumik toqqammavissatut piumasaqaatit avaqqunnissaannik immikkut akuerineqanngikkaanni.

Maleruagassatigut tungavissaq

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr.17, 17. november 2010-imeersoq. Silaannakkut angallannermi aalajangersakkat BL 3-2A.

Pissutsit atuuttut

**Kommunimi pilersaarummut tapiliussassaq nr. 41:**

Kommunimi pilersaarummut tapiliussassaq nr. 41 siusinnerusukkut sanaartornikkut ineriartortitsinissamik kommunimi pilersaarutitigut aalajangersakkat akuersissutaasimasutuulli Akiani nutaanik sanaartorfissatigut periarfissaqarnissaa aalajangersaasoqarnissaa anguniarlugu suliaavoq. Taamaallilluni 2004-mili Akiani ineriartortitsinissamik pilersaarussiaq kommunimi pilersaarummut nr. 19-imut tapiliussatut akuerisaavoq.

Matumani 2004-mili piffiup nunamiit 15 meterit tikillugit portussusilinnik ineriartortinnissaa akuersissutaanikuuvoq, kommunimi pilersaarummut tapiliussaq 41-mi pineqartut ilanngullugit. Pilersaarussiaq taamanikkut Namminersornerullutik Oqartussat Pisortaqarfiannut nassiunneqarnikuuvoq, oqaaseqaateqarfigineqaranili.

Kalaallit Nunaanni silaannakkut angallassinermi oqartussat kommunimi pilersaarummut tapiliussassaq nr. 41-mut akerliliissutaannut patsisigineqarpoq, Sisimiut mittarfeqarfianni sillimaniarnikkut pissutsinik annertunerusumik akornutissaqalersitseqqinnginnissaq, tassa mittarfeqarfiup akuersissutaaneratigut piumasaqaataasimasunit allanngortitsisinnaasussamik.

Allaffeqarfimmit kommunimi pilersaarut nr. 41 ilaasunik sanaartornissamik pilersaarutaasutut immikkut akuersissutissamik qinnuteqartoqarnikuuvoq, Mittarfeqarfinniilli Trafikstyrelse-miillu itigartitsisoqarsimalluni.

Tamatuma kingorna kommunimi pilersaarummut apiliussassaq nr. 41 naapertorlugu sanaartornissaq sammineqarsimavoq, tassa paaserusullugu sanaartornissaq ilumut mittarfeqarfimmut angallannermi sillimaniarnikkut akornusersuutaassanersoq. Tamanna ersarissumik paasinarsisinniarlugu, allaffeqarfiup siunnersortit Integra suliaqartissimavaa, taakkumi mittarfeqarfiliortiternertigut tamakkunanilu sillimaniarnertigut pikkorilluinnartuummata naliliisikkusullugit, kommunimi pilersaarummut tapiliussassaq nr. 41 sillimaniarnikkut isiginiarluni qanoq innersoq. Matumani aamma naliliiffigitinniarlugu, immikkut akuersissuteqarnissami suut tunngavigineqarsinnaassanersut.



Taamaattumik sillimaniarneq naliliiffiginarlugu ataatsimeeqatigiittoqarpoq, tamatumanilu: Mittarfeqarfiit, Air Greenland, Ineqarnermut, Attaveqarnermut Angallanermullu Naalakkersuisoqarfik, Integra kiisalu Qeqqata Kommunia peqataallutik.

Tamatumanilu isumaqaigiissutaalluni inerniliutaavoq, sanaartornissamik pilersaarutaasut Sisimiut Mittarfiannut silaannakkut angallanikkut sillimaniarnikkut akornutaanaviangitsut.

Suliallu ingerlaqqinnissaani imaattoqassalluni, Qeqqata Kommuniata Ineqarnermut, Attaveqarnermut Angallanermullu Naalakkersuisoqarfik isumaqatigiissuteqarfigissagaa, mittarfinnik piginnittuusup Mittarfeqarfiit Trafikstyrelse-lu attaveqarfigissagai, tamatumanilu immikkut akuersissuteqarsinnaaneq oqallisigissallugu.

Allaffeqarfik naliliivoq, suliami piffissaq sivitsorussinnaammat pingaaruteqartoq, Akiani inissialiornissami allatut iliuuseqarsinnaanissaq, taamaalilluni illoqarfimmi nutaanik sanaartorsinnaanissaq qulakkeerniarlugu.

### **Inissialiorfissat nutaat**

Piffissami qaninnerusumi kommunimi 2012-imiit 2024-mut pilersaarutitut siunnersuutituulli, illoqarfiup eqimattaannerulernissaanik suliaasaq ingerlanneqarsinnaavoq. Tamatumani pineqarlutik:

- Immikkoortortap ilaa 800-A53, Umiivitsiap kujataatungaani ilinniartunut inissialiorfullunilu najugaqarfiliorfissaq. Kommunimi pilersaarummut tapiliussaqaq nr. 46.
- Immikkoortortap ilaa 800-A51, Paaraarsummi.
- Immikkoortortap ilaa 800-A50, Berthelsenip Aqquserngani.
- Immikkoortortap ilaa 800-A52, Nikkorsuarni.

Tamakku saniatigut illoqarfimmi immikkoortut minnerit nassaarineqarsinnaapput, imminnut qanittunik inissialiorfusinnaasut.

Maluginiaqquneqassaaq, sumiiffiit sanaartorfigissarnissaat akisusussaassammat, taamaattumillu tamakkunani imminnut qanittunik pukkitsunik sanaartornerinissaq naatsorsuutigisariaqassalluni.

Innersuussutigineqassaaq, ataatsimoortumik pilersaarusioreernikkut, sanaartorfigissaanissakkut missingersuusiornissamillu atatillugu suliaqareernikkut aatsaat aningaasaliissuteqartoqarnissaa, kiisalu Akini sanaartorfigissaanissamut aningaasaliissutit allatut aqqvigereernerisigut.

### **Illoqarfiup nutaamik ineriartortinnissaa**

Piffissaq alimasinnerumaaq isigalugu qulakkeerniarneqassaaq, Sisimiuni sanaartorfissaqarsinnaanissaa eqqarsaatigalugu innersuussutigineqassaaq, massakkumiit periarfissanik misissuinerit aallartinneqassasut, Qinnunguanilu najugaqarfissanik sanaartorfissaasinnaasut immikkortillugit. Ullumikkut sumiiffik Kommunimi 2012-imiit 2024-mut pilersaarummi siunnersuummut ilaavoq, piffissarli alimasinnerusooq eqqarsaataalluni.

### **Aningaasaqarnikkut allaffissornikkullu kingunerisinnaasai**

Sumiiffinni nunaminertat sanaartorfigissaaffissatut eqqarsaataasut allanngortinnissaata kingunerisavaa, pilersaarusiornissamut sanaartorfigissaanissamullu aningaasaliissutaareersut allanngortinnissaat.

Sumiiffimmi sanaartornissaq immikkut akuersissutaassanngikkaluarpat, taava Qeqqata Kommuniata Nukissiorfiillu sumiiffimmi massakkumut sanaartorfigissaanikkut aningaasaliissutitigut annaasaqangaatsiarnissartik naatsorsuutigisariaqassavaat.



### Qullersaqarfiup oqaaseqaataa

Immikkut oqaaseqaatitassaqaanngilaq.

### Allaffeqarfiup naliliinera

Taamaattumik allaffeqarfik naliliivoq, Akiani pilersaarusicamik massakut annertunerusutigut allangortiterinissaq pissusissamisooranilu aningaasaqarnikkut illersorfissaqassanngitsoq. Minnerunngitsumik pilersaarutaareersumi immikkut akueritinnissamut periarfissaq sutigut tamatigut misilitsinnagu.

### **Innersuussut**

Allaffeqarfiup Aningaasaqarnermut ataatsimiititaliamut kommunalbestyrelsimullu paasissutissiissut tusaatissatut tiguneqassasoq, tulliuuttullu akuerineqassasut innersuussutigissavaa:

- Akiani 2012-imiit 2024-imut ineriartortitsinissamik pilersaarutitut siunnersuut nutaaq naapertorlugu sanaartortitsinissami immikkut akuerineqarnissamik Mittarfeqarfinnut kiisalu Trafikstyrelse-mut noqqaaneq allaffeqarfiup ingerlatiinnassagaa.
- Kommunimi pilersaarummut tapiliussami nr. 46-mi ilaasut immikkut akuerineqarnissap tungaanut Paraarsummi Berthelsen-illu aqquserngani (kommunimi 2012-imiit 2024-imut pilersaarummi imm. 50 aamma 51) sanaartorneqarallassasut, tamakkulu saniatigut Qinnunguani nunaminertat qanoq sanaartorfigineqarsinnaanissaat misissuiffigalugu.

### **Aalajangiineq**

Innersuussutigineqartut akuersissutigineqarput.

### **Ilanngussat**

1. Kommunimi pilersaarummut tapiliussassaq nr. 41
2. Akiani sanaartornerit naammassinerisigut silaannakut angallanermut akornutaasinnaasussanik nalilersuineq.



**Imm. 09 Kommunimi pilersaarummut tapiliussassaq nr. 46 inaarutaasumik akuersissutigineqarnissaa**

*Journalnr. 16.03*

Tunuliaqutaq

Umiivitsiap kujataatungaani ilinniagalinnut inissiaqarfissanik najugaqarfissianillu sanaartorfissami kommunimi pilersaarummut tapiliussassaq nr. 46, sapaatip akunnerini arfineq-pingasuni marsip 9-aniit maajip 4-nut 2012-imi tamanut saqqummiussaaniikuvoq. Tamanut saqqummiussinerup nalaani oqaaseqaatit marluk tiguneqarput, taakkulu matuma kinguliani taaneqassallutik. Siunnersuut matumuuna inaarutaasumik akuerineqarnissaanut nassiunneqarpoq.

Maleruagassatigut tunngavissaq

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 17, 17. november 2010-imeersoq.

Pissutsit atuuttut

Kommunimi pilersaarummut tapiliussassaq nr. 46-kkut Umiivitsiami najugaqarfioersut immallu akornanni sukumiisumik pilersaarusiortofiusumi nutaami inissialiortoqarsinnaalissaaq. Sukumiisumik pilersaarusiortofik sanaartorfissanut tallimanut agguataarneqarpoq, taakkunani tamani ilinniagalinnut kangianiit allartittumik inissialiortofissaqartitsilluni, aammalu sanaartorfiusussani 1-imi 2-milu Qiviarfimmud qaninnerusortaani ilaqtariinnut inissialiortofissaqartitsissalluni.

Najugaqarfissaq nutaaq Eqqaavimmut aqqusinikkut aqqusineqarfeqassaaq. Najugaqarfissaq nutaaq pingaarnertut qaqqajunnat qaavisigut, taamatullu aamma saviminernut eqqaaveqarfikup ataatungaani sanaartugaassapput. Najugaqarfissat ataasiakkaarlutik aqqusineqarfissamiit aqqusinnigaassapput. Taanna sinerlugu pisuinnarnut aqqusinniortoqassaaq, Qiviarfimmud aqquserngup avannamut kimmud avissarfianiit aqqusineeqqamik/ikuallattoqartillugu aqqutissiorlugu, kiisalu Umiivitsiami sanaartukkanut majuartarfeqarfilerlugu.

Taamatut aqqusineqarfiliinnikkut igitakut eqqaaveqarfikup appasinnerusortaaniittut nuisasuerullugit matoorneqassapput.

Naatsorsuutigineqarpoq, sanaartorfissami ilinniagalinnut inissiat 250-it sanaartorfissani 3-mi, 4-mi 5-milu sanaartorneqarumaartut, taakkulu saniatigut sanaartorfissani 1-imi 2-milu ilaqtariinnut najugaqarfissiat 80-t, allatulli aqqiissagaanni ilinniagalinnut inissiat 200-ngortinneqarsinnaassallutik. Sanaartortussat siunnersortillu allatut aqqiisinnaanermut isummersorniarlugit kajumissaarniarlugillu, sanaartorfissani 2-mi, 3-mi 4-milu najugaqarfissatut sanaartorfiusinnaasunik inissiisoqarpoq, tassa qaqqajunnat malillugit sanasoqassappat. Sanaartorfissat taakku atorluarnerisigut inissiat immikkut 90-inik ilaneqarsinnaassagalarput.

Sanaartorfissani 1-imi, 2-mi 3-milu sanaartugassat, quleriit sisamanngorlugit sananeqarsinnaassapput, sanaartorfissanilu 4-mi 5-milu quleriit arfinillit immikkuualuttunik eqimattakkaanik illuliorfiusinnaassallutik. Sanaartorfissamut atatillugu ataatsimoorfiusinnaassussat pingaartinneqarput, sanaartugassallu tamarmik majuartateqassallutik (elevatorit), taamalu najugaqarfissiat tamarmik innarluutilinnit tkinneqarsinnaasunngorlugit.



Akerliliissutit oqaaseqaatillu.

Tamanut saqqummiussinerup nalaani akeraliissutit marluk tiguneqarput,

1. Ove Labansen-ip innuttaasullu Qiviarfimmiut Kaaliikassaallu aqqusernganeersut ataatsimoor-  
tut 14-it, tassa meeqqanik sumiiffiup pinnguarfittut nuannarineqartuunera pillugu akeraliullutik  
nalunaarutaat. Tamatumunnga ilanngullugu nalunaarutigineqarluni, sumiiffimmi  
sanaartorfigissaanissaq pisariaqanngitsumik akitsorsaataassasoq, taamatullu aamma nutaanik  
sanaartornerup kinguneranik illuutilinnut siunissami illuumik tuniniaassagaluarunik  
akiluttorfiulersinnaanera pillugit akeraliissutaat.
2. Nunamut namminermt, Pinngortitamut Avatangiisinullu Naalakkersuisoqarfiup pilersaarum-  
mut oqaaseqaatissaqarnatik allakkiaat.

Sapinngisamik anguniagaavoq, nutaamik sanaartugassat sapinngisamik isikkivinnik assersuisuun-  
nginnissaat, tamatumalu saniatigut nunaminertaq annertunngitsuinnaq pinguarfissaasinnaasussatut  
kiserngorutissalluni. Illuatungaatigulli inaarutaasumik akuersinermut atatillugu aalajangiiffigineqar-  
sinnaalluni, nunaminertat sanaartorfigissagassaannngitsut sanaartorfiusussaannngitsullu matoorneqas-  
sannngitsut.

Innuttaasut tusaaniarlugit pilersaarummi ilanngunneqassaaq, aqqusineqarfissaq akimoortumik  
atasuinnaassaangitsoq, aqqusineqarfimmullu aqqutissamut avannamut kitaatungaaniittussamut  
Qiviarfimmullu aqquserngup sinneranut ataniligaassalluni. Taamaaliornikkut Qiviarfikkoorluni  
angallatilerinissaq pinngitsoorneqarsinnaassammat.

#### Aningaasaqarnikkut allaffissornikkullu kingunerisinnaasai

Sumiiffimmi sanaartugassat tamarmiullutik sanaartorfigissaanissamut akileeqataanissaat pinngit-  
soorneqarsinnaannngilaq, pilersitsinerli naggataatigut kommuni karsianut aningaasartuutaassangilaq,  
tassa Qeqqata Kommunia sumiiffimmi nammineerluni najugaqarfissanik sanaartortitsiniannngikkuni  
imaluunniit sumiiffimmi tapiiffigisaminik sanaartortitsinannngikkuni.

Aqqusineq najugaqarfik akimoortulugu ingerlasussaq Qeqqata Kommuniata sanaartortissavaa,  
aningaasartuutissallu sanaartorfigissaanermi aningaasartuutinik agguaanertuulli sanaartukkat  
annertussusiat toqqammavigalugu agguataarneqassalluni. Sanaartorfissani ataasiakkaartumik  
sanaartorfigissaanissaq, sanaartortitsisussap akisussaaffigissavaa.

Maluginiaqquneqassaaq, aqqusinissap akimoortussap sanaartornissaata aallartinnissaa, Eqqaavimmu  
aqqusinermi illiniagalinnut inissialiassat toqqavissaasa qaartiternerisigut ujaqqat piakkat  
immiunneratigut naatsorsuutigineqarmat. Innersuussutigineqassaaq, tamatumunnga atugassatut  
2012-imi 100.000 koruunit immikkoortinneqassasut, tassa Akiani C14-ip pilersaarusiornissaanut  
aningaasaliissutiniit 532.000 koruuniusuniit nuutsinikkut.

Pilersaarummik inaarutaasumik akuersinissamut ilanngullugu, pingaarnertut aqqusineqarfissamut  
aningaasaliissutissatut immikkoortitsisoqartariaqaraluarpoq, tamatumalu kingorna aamma sumiiffiup  
sanaartorfissatut piareersarnissaanut, tassa ilinniagalinnut inissiat ilaneqarnissaat periarfissaqa-  
leriarpat.

#### Qullersaqarfiup oqaaseqaataa

Immikkut oqaaseqaatitassaqqanngilaq.



### Allaffeqarfiup naliliinera

Allaffeqarfik naliliivoq, sumiiffik tassaalissasoq, kajumernartunik najugaqarfissanik sanaartorfiu-sinnaalersussaq, ilaqutariit ilinniagallillu najugaqarfissaanit tamaniit immamut isikkivigilluinnartus-sanik.

Peqatigitillugulu naliliisoqarluni, sumiiffik akulikitsunik sanaartorfissiassatut innersuunneqartumi sanaartorfigissaanikkut akiligassaq amanut naammaginaruujumaartoq.

Akiata ineriartortitaanera isiginiaraanni, sumiiffimmi ilaqutariinnut inissialiornissaq pisariaqalersinnaavoq.

### **Innersuussut**

Allaffeqarfiup innersuussutigissavaa:

- Aningaasaqarnermut ataatsimiititaliap Kommunalbestyrelsillu kommunimi pilersaarummut tapiliussassaq nr. 46 inaarutaasumik akuerssissutigissagaa, tassalu Kaalikassaap aqquserngata isuata ataani sanaartorfigissaanermut atatillugu sanaartorfissatut immiisoqassanngitsoq ilanngullugu.
- 2012-imi 100.000 koruunit aningaasaliissutissatut akuerineqassasut, tassa Eqqaavimmut aqqusinermit sumiiffimmut sulinermut atatillugu aqqusinniinissamut. Aningaasaliissutissallu pillugit innersuusutigineqarluni Akiani C14-imi sanaartorfigissaanissamut aningaasaliissutinit tiguneqassasut.

### **Aalajangiineq**

Innersuussutigineqartut akuerssutigineqarput.

### **Ilanngussat**

1. Kommunimi pilersaarummut tapiliussassaq nr. 46.
2. Ove Labansen-imut allanillu akerliliissutit
3. NNPAN-imiit oqaaseqaatit.





**Imm. 10 Atorfeqartitanut tunngasutigut paasissutissiineq, juunip 1-ani 2012-imeersoq**

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

**Maniitsoq:**

1. Atorfinitsitat

<b>Suliffik</b>	<b>Ateq</b>	<b>Atorfik</b>	<b>Ulloq atorfiniffik</b>
Stabsfunktion	Lauritz Kreutzmann	Konsulent vikar	1. maj – 30. juni

2. Soraartut

<b>Suliffik</b>	<b>Ateq</b>	<b>Atorfik</b>	<b>Ulloq suliunnaarfik</b>
Angerlarsimaffik Nerijsaaq	Nukannguaq Berthelsen	Ernæringsassistent	31. maj 2012

3. Sulinnigiffeqartut – Soqanngilaq

4. Suliffeqarfimmi nuuttut – Soqanngilaq

**Sisimiut:**

1. Atorfinitsitat

<b>Suliffik</b>	<b>Ateq</b>	<b>Atorfik</b>	<b>Ulloq atorfiniffik</b>
Sukorsit	Gustav Mathiesen	Medhjælper	1. juni 2012
Meeraateqarfik Nuka, Kangerluss	Louise Olsen	Socialhjælper	16. maj 2012
Meeraateqarfik Nuka, Kangerluss	Iliinna S. Rosing	Leder	1. juni 2012
Hjemmehjælpern	Elvira Lundblad	Socialhjælper	1. maj 2012
Alderdomshjemmet	Paneeraq Mathiessen	Sundhedsassistent	1. maj 2012
Svømmebadet	Hans Frederik Olsen	Leder i sommerperioden	1. maj – 31. august
Meeraateqarfik Kanaartaaq	Ajorna Joelsen	Leder	1. juni 2012
Meeraateqarfik Kanaartaaq	Magdalene N. Olsen	Socialmedhjælper	1. juni 2012
Meeraateqarfik Kanaartaaq	Grethe Andersen	Socialhjælper	1. juni 2012
Medborgerhuset	Varla Louise Lennert	Fg. leder	1. juni – 31. august
Familiecenter	Ruttsi Lynge Lennert	Socialrådgiver	1. juni 2012
Piarsersarfik	Tina Chapman	Uddannelsesvejleder	1. juni 2012

2. Soraartut

<b>Suliffik</b>	<b>Ateq</b>	<b>Atorfik</b>	<b>Ulloq suliunnaarfik</b>
Familiecenter	Ida Abelsen	Forebyggelseskonsulent	31. maj 2012
Familiecenter	Christian Peter Broberg	Miljøarbejder	31. maj 2012
Familiecenter	Marthine Jensen	Hjemmehoser	31. maj 2012
Minngortuunnguup Atuarfia	Vera Solvig	Lærer	30. april 2012
Ornittagaq Naasoq	Gretha Andersen	Socialhjælper	31. maj 2012

3. Sulinnigiffeqartut – Soqanngilaq

4. Suliffeqarfimmi nuuttut - Soqanngilaq



**Innersuussut**

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqanngilaq



## **Imm. 11 NIIP - nunap immikkoortuisa ineriartortinnissaannut periusissanut atatillugu 2012-imi pilersaarutit**

*Journalnr.*

### Tunuliaqutaq

2011-mi nunap immikkoortuisa ineriartortinnissaannut periusissani NIIP salliutitatut iliuuseriniakkat akuerineqarput. 2012-ip aallartisimalernerani allattukkat nutarterneqarput, Namminersorlutik Oqartussaniillu aningaasaliissuteqarnissamik Aningaasanut 2012-imut inatsisikkut qinnuteqarsinnaaneq periarfissinneqarluni.

Namminersorlutik Oqartussat NIIP-mik kommunini salliutitatut iliuusissat tapiissutissat aamma nutarterneqarlutik, taamaalilluni iliuuseriniakkamut kommunimut ataatsimut 500.000 koruuniusut massakut kommunimut ataatsimut 1 mio. koruuninngorluni, tassa kommuni assinganik aningaasaliissuteqarniarpat. Tamatuma kinguneranik salliutitatut iliuuseriniakkat aningaasaliissutitaalu nutartertariaqalerlutik, taamaattumillu suliaq una nutaamik suliassatut nassiunneqarpoq.

### Maleruagassatigut tungavissaq

NIIP-mik 2011-mi nalunaarusiaq aningaasanullu 2012-imut inatsit.

### Pissutsit atuuttut

NIIP-mik pilersaarutit Namminersorlutik Oqartussat Inuutissarsiutitigut naalakkersuisoqarfia oqaloqatgalugu suliaavoq, pilersaarutillu piviusunngortinnissaanni ataqatigiissaarnera immi Qeqqata Kommuniani inuutissarsiutitigut ineriartortitsinissami tapertaalluartaassaalluni.

2 mio. koruunit Namminersorlutik Oqartussat Kommunillu akornanni naligiimmik agguataagaasut, pilersaarutitut tulluuttunut agguataarnissat siunnersuutigineqassaaq:

- Maniitsumi naatitsivik – 200.000 koruunit.
- Qeqqata Kommuniani nunarsuarmut UNESCO aqutigalugu kingornussassanngortitassaq – 100.000 koruunit.
- Sisimiuni imeqarfimmut appakaaffigeqqusaanngitsoq – 150.000 koruunit.
- Sisimiuni Nutaaliornikkut teknikkikkullu misigisaqarfissamut – 400.000 koruunit.
- Kangerlussuarmi nassiussanik ilitsivik – 350.000 koruunit.
- Kangerlussuarmi umiarsualivik nutaaq – 800.000 koruunit.

Siusinnerusukkut suliarmut nassiussamut sanilliullugu, Maniitsumi naatitsiviliorsinnaanermi periarfissanik misissuinissaq aningaasaliissuteqarfiusussatut, taamatuttaarlu Sisimiuni imeqarfiup allanngortinneqarsinnaaneranik misissuinissamut aningaasaliissuteqarnissaq ilanngunneqarneqarput.

NIIP-mik pilersaarutit sinneri, suli naammassineqanngitsut, aamma 2012-imi aallartinneqassapput. Aatsaalli Namminersorlutik Oqartussaniit Kommunimiillu taakkununga 2013-mi aningaasaliissuteqarnissaq naatsorsuutigineqarpoq. Allatulli aaqqiinikkut aallarnisaanerit kontoniit piusuniit aningaasaliiffiqarsinnaassapput.

### Aningaasaqarnikkut allaffissornikkullu kingunerisinnaasai

Namminersorlutik Oqartussat Aningaasanut 2012-imut inatsimmi 1 mio. koruuninik kommunini tamani salliutitatut iliuuseriniakkanut aningaasaliissuteqarput. Allassimaffimmi pilersaarutit i mio. koruuninik nalillit takuneqarsinnaapput.



Allassimaffimmi pilersaarutit ataasiakkaani aningaasartuutissartai missiliuutitut allataapput, taakkulu Namminersorlutik Oqartussanit 50 procentinik kiisalu Qeqqata Kommunianit aamma 50 procentinik aningaasaliiffiunissaat naatsorsuutigineqarluni.

Pilersaarutitigut kommunip aningaasartuutissai ilaatigut konto 11-miit siunnersorteqarnermi aningaasartuutit, ilaatigullu konto 37 – inuutissarsiuutitigut ineriartortitsinermit tiguneqassapput.

#### Qullersaqarfiup oqaaseqaataa

Immikkut oqaaseqaatitassaqaanngilaq.

#### Allaffeqarfiup naliliinera

Allaffeqarfik naliliivoq, pilersaarutit allassimasut Qeqqata Kommuniani inuutissarsiuutitigut atugassarititaasunik killiliussatigut annertuumik iluaqutaasussaassasut, ilaat piffissami qanittumi, ilaallu piffissami alimasinnerusumi.

#### **Innersuussut**

Allaffeqarfiup aningaasaqarnermut ataatsimiititaliamut akuereqqullugu innersuussutigissavai:

- NIP-mik pilersaarutitut aningaasaliissutit agguataarnissaannik siunnersuut.
- Konto 11-miit konto 37-imiillu aningaasaliissuteqarnissamik siunnersuut.

#### **Aalajangiineq**

Innersuussutigineqartut akuersissutigineqarput.

#### **Ilanngussaq**

Ilanngussaqanngilaq

## **Imm. 12 Ulliap innaallagissallu akiisa qaffannerat**

*Journalnr.*

### Tunuliaqutaq

Uuliap akia Kalaallit Nunaanni 37,5 procentinik qaffariarpoq, Maniitsumilu januaarip 1-ani 2011-mi innallagissap akia 16,8 procentinik aamma qaffariarluni.

Taamaalilluni januaarip 1-ani 2011-mi uuliap akia literimut 4,47 koruuniniit literimut juulip 8-ni 2011-mut 5,57 koruunit sinnerlugit maajillu 1-ani 2012-imut literimut 6,15 koruuninut qaffariarluni.

Maniitsumi innaallagissap akia januaarip 1-ani 2011-mi kWh-mut 2,85 koruuniniit septembarip 1-ani 2011-mi kWh-mut 3,17 koruunit sinnerlugit januarillu 1-ani 2012-imut 3,33 koruuninut qaffariarpoq.

### Maleruagassatigut tungavissaq

Kommunalbestyrelsi aningaasaliissutitigut susassaqartuuvoq.

### Pissutsit atuuttut

Qeqqata Kommuniata uuliamut innallagissamullu missingersuutai 2010-miit 2011-mut 2 procentinik kiisalu 2011-miit 2012-imut 1 procentinik siumut qaffataapput.

Uuliamut kommunip aningaasartuutai kontot allattorsimaffiat akuerisaasoq naapertorlugu kontomut pingaarnermut xx-xx-xx-21-40 ikisaapput, kiassarnermullu aningaasartuutissat kontomut pingaarnermut xx-xx-xx-21-20 ikisaallutik.

### Aningaasaqarnikkut allaffissornikkullu kingunerisinnaasai

Kommunimi tamarmi suliffeqarfinni uuliamut aningaasartuutissat 2012-imi missingersuutitigut 3.574.000 koruuninik aningaasaliiffiupput, Maniitsullu illoqarfiani innaallagissamut aningaasartuutissat 2012-imi missingersuutitigut 2.495.000 koruuninik aningaasaliiffiullutik.

Kommunimi tamarmi uuliamut Maniitsumilu innaallagissamut aningaasartuutissat siumoortumik qaffannissaatigut immikkut katillugit 1.759.000 koruuninik aningaasaliissuteqarfiusariaqassapput, tassa kommuni tamakkerlugu uuliamut 1.340.000 koruunit kiisalu Maniitsumi innaallagissamut 419.000 koruunit.

### Allaffeqarfiup naliliinera

Allaffeqarfik naliliivoq, immikkut 1,759 mio. koruuninik aningaasaliissuteqarnissaq pisariaqartoq, taakkulu 2012-imi missingersuutitigut ukiunullu missiliuteqarfiusunut iluarsii ffiusariaqarlutik.



### **Innersuussut**

Aningaasaqarnermut ataatsimiititaliamut kommunalbestyrelsimullu akuereqqullugu innersuussutigineqassaaq,

Kommuni tamakkerlugu 1.340.000 koruuninik uuliamut aningaasartuutissatut immikkut aningaasaliissuteqartoqassasoq, kiisalu 419.000 koruuninik Maniitsumi innaallagissamut aningaasartuutissanut 2012-imi missingersuutitigut ukiunullu missiliuuteqarfiusunut

### **Aalajangiineq**

Innersuussutigineqartut akuersissutigineqarput.

### **Ilanngussat**

1. 2012-imut missingersuutini kommuni tamakkerlugu aningaasartuutissat – konto pingaarneq 21-40.
2. Maniitsumi innallagissamut 2012-imut missingersuutit – Maniitsumi konto pingaarneq 21-20.



**Imm. 13 2012-imi kommunit aningaasaqarnerat pillugu nassuiaat pillugu tusarniaaneq**

*Journalnr. 06.00*

**Tunuliaqutaq**

Nunamut namminermut, Pinngortitamut Avatangiisinullu Naalakkersuisoqarfiup kommunit aningaasaqarnerat pillugu nassuiaat maajip 25-ni 2012-imi tusarniutitut nassiuppaa, akissuteqarnissarlu juunip 29-anut 2012-imut killilerlugu, nassuiaat Inatsisartut 2012-ip ukiaanut ataatsimiinissaanni saqqummiunneqassammat.

**Pissutsit atuuttut**

Nassuiaatip pingaarnertut imarivai:

1. Namminersorlutik Oqartussat kommunillu suliassatigut agguartaarnerat
2. 2012-imi Kommunit pillugit isumasioqatigiinneq
3. Kommunit aningaasaqarnerat
4. Missingersuusiornermi suleqatigiinnissamik isumaqatigiissutip nutarternera

Nassuiaatip pingaarnertut imarisaa Aningaasaqarnermut ataatsimiititaliamut Komunalbestyrelsimullu oqaasiinnakkut nassuiaassutigineqassaaq.

**Innersuussut**

Aningaasaqarnermut ataatsimiititaliamut innersuussutigineqassaaq, oqaasiinnakkut nassuiaateqareernikkut kommunalbestyrelsimut nassuiaatip oqallisigineqanissaa innersuussutigineqassasoq.

**Aalajangiineq**

Innersuussutigineqartoq akuersissutigineqarpoq, aammalu kommunalbestyrelsimut isummerfigeqquneqassapput kommunit aningaasartuutaasa isertitaasalu naligiinninnerujussuat.

**Ilanngussaq**

1. Kommunit aningaasaqarnerat pillugu nassuiaat 2012.



**Imm. 14 Tamalaat**

Godmand Rasmussen,

1) Oqaluuserisassat nassiunneqartarnerinut malittarisassat.

2) ACR-imut tunngatillugu apeqquiteqaat.

ACR-imut tunngatillugu suliaq suli ingerlanneqarpoq. Oqaluuserisassanik nassiussisarneq iluarsiivigineqassaaq.

Karl Lyberth,

1) Maniitsumi børnehjemmip matunera sulisussaarunneq peqqutigalugu.

2) Kilisaatini usingiaanermi sulisussaaruttarneq.

Suliassat borgmesterimit misissuiffigineqassapput.

